



ХОВД АЙМАГ  
ИРГЭДИЙН ТӨЛӨӨЛӨГЧДИЙН ХУРЛЫН  
ТЭРГҮҮЛЭГЧДИЙН  
ТОГТООЛ

2019 оны 06 сарын 06 өдөр

Дугаар 69

Ховд

Журам батлах тухай


Монгол улсын Засаг захиргаа, нутаг дэвсгэрийн нэгж, түүний удирдлагын тухай хуулийн 20 дугаар зүйлийн 20.1.7, “Агаар орчныг бууруулах үндэсний хөтөлбөр”, аймгийн дэд хөтөлбөрийг хэрэгжүүлэх зорилгоор аймгийн иргэдийн Төлөөлөгчдийн Хурлын Тэргүүлэгчдээс ТОГТООХ нь:

1. “Агаар, орчны бохирдлыг бууруулах хөтөлбөр”-ийн хүрээнд “Төсөл сонгон шалгаруулах журам”-ыг хавсралтаар баталсугай.

2. Журмын хэрэгжилтийг хангаж, төсөл сонгон шалгаруулах үйл ажиллагааг нээлттэй, ил тод, хуулийн хүрээнд зохион байгуулахыг аймгийн Засаг дарга /Б.Дүгэржав/-д даалгасугай.

3. Тогтоолын хэрэгжилтэд хяналт тавьж ажиллахыг аймгийн иргэдийн Төлөөлөгчдийн Хурлын нарийн бичгийн дарга /Б.Сандагсүрэн/-д үүрэг болгосугай.

ХУРЛЫН ДАРГА  Г. ПҮРЭВГАНДИ



Аймгийн ИТХ-ын Тэргүүлэгчдийн  
2019 оны 06 дугаар сарын 06-ны өдрийн  
69 дүгээр тогтоолын хавсралт



## АГААР, ОРЧНЫ БОХИРДЛЫГ БУУРУУЛАХ ЧИГЛЭЛИЙН ХҮРЭЭНД ТӨСӨЛ СОНГОН ШАЛГАРУУЛАХ ЖУРАМ

### **Нэг. Нийтлэг үндэслэл**

1.1.Ховд аймгийн “Ногоон хөгжлийн хөтөлбөр”, Агаар, орчны бохирдлыг бууруулах үндэсний хөтөлбөр, аймгийн хөгжлийн стратегийн 2015-2025 он хүртэл хөгжүүлэх ерөнхий төлөвлөгөө, Аймгийн Засаг даргын 2016-2020 оны үйл ажиллагааны хөтөлбөр зэрэг баримт бичгүүдэд үндэслэн Ховд хотын агаар, орчны бохирдлыг бууруулах, энэ чиглэлийн санал санаачилгыг дэмжих зорилгоор хэрэгжүүлэх хөнгөлөлттэй зээл /цаашид “Зээл” гэх/-ийн төсөл сонгон шалгаруулахтай холбогдон үүсэх харилцааг энэхүү журмаар зохицуулна.

1.2.Зээл авахаар иргэн, аж ахуйн нэгжээс ирүүлсэн төслийг сонгон шалгаруулж шийдвэр гаргах чиг үүрэг бүхий “Төсөл сонгон шалгаруулах зөвлөл” /цаашид “Зөвлөл” гэх/ төслийг хүлээн авч төсөл сонгон шалгаруулах зөвлөлийн хуралд оруулах, шалгаруулах, шийдвэр гаргах чиг үүрэгтэйгээр ажиллана.

1.3.Зээл эргэн төлөгдөх хугацаатай хяналтын зардалтай байна.

### **Хоёр. Хөнгөлөлттэй зээлийн эх үүсвэр, нөхцөл**

2.1.Зээлийн эх үүсвэр нь дараах эх үүсвэрээс санхүүжүүлнэ.

2.1.1 Улс, орон нутгийн төсвийн хөрөнгө

2.1.2.Орон нутгийн хөгжүүлэх сангийн хөрөнгө оруулалтын төсөл арга хэмжээний зардал

2.1.3.Хөдөлмөр эрхлэлтийг дэмжих сангийн хөрөнгө

2.1.4.Олон улсын болон хандивлагч орнуудын зээл, тусламж, төсөл, хөтөлбөрийн санхүүжилт

2.1.5 Олон улсын банк санхүүгийн байгууллага

2.1.6 Бусад эх үүсвэрээс бүрдэнэ.

2.1.7.Эх үүсвэрийг журамд зааснаас бусад зориулалтаар ашиглахыг хориглоно.

## **Гурав. Төслийн цар хүрээ**

3.1.Төсөлд оролцогчид нь иргэн, аж ахуйн нэгж байна.

3.2.Зээлийг иргэн, аж ахуйн нэгжид агаар, орчны бохирдлыг бууруулах чиглэлээр төсөлд тусгасан ажил үйлчилгээний зардалд зориулан олгоно.

## **Дөрөв. Төсөл шалгаруулах зөвлөлийн чиг үүрэг**

4.1.Зөвлөл нь зөвлөлийн дарга буюу аймгийн Засаг даргын эдийн засаг, үйлдвэрлэл хариуцсан орлогч, нарийн бичгийн дарга-салбар хариуцсан мэргэжилтэн, гишүүд төрийн бус байгууллагаас бүрдсэн 5 хүний бүрэлдэхүүнтэй байна.

4.2.Зөвлөлийн үйл ажиллагааны хэлбэр нь хуралдаан байна. Хуралдаанаас шийдвэр гарах бөгөөд зөвлөлийн дарга, нарийн бичгийн дарга, гишүүд нь төсөл сонгон шалгаруулах хуралдаанд саналын тус бүр нэг эрхтэйгээр оролцоно.

4.3.Зөвлөлийн гишүүдийн олонх нь ирснээр хуралдаан хүчинтэйд тооцогдох ба тэмдэглэл хөтөлж, олонхын саналаар шийдвэр гаргана.

4.4.Зөвлөлийн хурлын тэмдэглэл, хурлын шийдвэрт хуралд оролцсон бүх гишүүд гарын үсэг зурж баталгаажуулна.

4.5.Зөвлөл дараах эрхтэй байна.

4.5.1.Төсөл хүлээн авах эцсийн хугацаа, байршил, хаяг, холбоо барих утасны дугаар гэх мэт зүйлсийг тусгасан зар мэдээллийг өдөр тутмын хэвлэл мэдээллийн хэрэгслээр олон нийтэд мэдээлэх хугацааг тогтоох

4.5.2.Зээл хүссэн төслийг сонгон шалгаруулах хурлын товыг батлах

4.5.3.Төслийг хуралдаанаар хэлэлцэж, шийдвэрлэх

4.6.Зөвлөл нь дараах үүрэгтэй байна.

4.6.1.Зөвлөлийн гишүүн нь ашиг сонирхлын зөрчлөөс ангид байж хувийн ашиг сонирхолд нөлөөлөхүйц шийдвэр гаргах тохиолдолд хуралд оролцохоос татгалзаж, татгалзах хүсэлтээ бичгээр зөвлөлийн даргад гаргах

4.6.2.Зөвлөлийн гишүүд хурлын шийдвэр, зөвлөлдсөн асуудлыг бусдад мэдээлэхгүй байх, үнэн зөв шалгаруулах, бусдад давуу байдал бий болгохоос сэргийлэх

4.6.3.Зөвлөлийн гишүүд холбогдох хууль тогтоомж, дүрэм журмыг зөрчихгүй байх

4.6.4.Төсөл сонгон шалгаруулах зөвлөлийн дарга, гишүүд нь төсөл хэрэгжүүлэгч иргэн, аж ахуйн нэгжийн үйл ажиллагаатай газар дээр нь үзэж танилцан баталгаажуулсан байх

4.6.5.Зөвлөл нь зээлийн хэрэгжилтэд хяналт тавина.

#### **Тав. Төсөлд тавигдах шаардлага**

5.1. Зээл хүсэгчийн ирүүлэх төсөл нь агаар, орчны бохирдлыг бууруулах арга зам, хэрэгжүүлэх үйл ажиллагаа, удирдлага зохион байгуулалт болон хүний нөөцийн удирдлагын тухай мэдээлэл зах зээлийн судалгаа, эдийн засгийн тооцоо, дүгнэлт, хавсралт гэсэн хэсгээс бүрдсэн байна.

5.2.Төсөл хэрэгжүүлэгчийн талаарх мэдээлэлд дараах зүйлсийг тусгана.

5.2.1 Төслийн товч агуулга

5.2.2. Иргэн, хуулийн этгээдийн нэр

5.2.3. Үйлдвэрлэл үйл ажиллагаа эрхэлж буй хаяг байршил,  
иргэн, хуулийн этгээдийн албан ёсны хаяг төсөл хэрэгжих  
байршил

5.2.4.Нийт хөрөнгө оруулалтын хэмжээ, түүнээс өөрийн  
оруулах хөрөнгийн хэмжээ

5.2.5.Үйлдвэрлэл, үйлчилгээний нэр төрөл

5.2.6.Жилийн эргэлт, борлуулалт, экспортод эзлэх хувь

5.2.7.Одоогийн эрхэлж байгаа бизнесийн талаарх мэдээлэл

5.3. Үйлдвэрлэл, үйлчилгээ үйл ажиллагааны талаарх мэдээлэлд дараах зүйлийг тусгана.

5.3.1. Үйлдвэрлэл, үйлчилгээний технологийн ажиллагаа

5.3.2. Материалын чанарын үзүүлэлт

5.3.3. Түүхий эдийн нөөц

5.3.4. Үйлдвэрлэлийн хүчин чадал

5.4. Удирдлага зохион байгуулалт болон хүний нөөцийн удирдлагын талаарх мэдээлэлд дараах зүйлийг тусгана.

5.4.1. Удирдлагын бүтэц орон тоо

5.4.2. Ажиллагсдын мэргэжил, мэргэшлийн ур чадвар

5.4.3. Шинээр бий болгох ажлын байрны тоо

5.5. Зах зээлийн судалгаанд дараах мэдээллийг тусгана.

5.5.1. Зах зээлийн төлөв байдал /SWOT шинжилгээ/

5.5.2. Хэрэглэгчдийн тодорхойлолт

5.6. Эдийн засгийн тооцоонд дараах мэдээллийг тусгана.

5.6.1. Үндсэн үйлдвэрлэл, үйлчилгээний нийт орлого

5.6.2. Борлуулалтын орлогын тооцоо

5.6.3. Үйлдвэрлэлийн зардлын тооцоо

- 5.6.4. Төлөвлөж байгаа борлуулалтын төлөвлөгөө
- 5.6.5. Үйлдвэр, үйлчилгээ, худалдааны үр ашгийн тооцоо
- 5.6.6. Төслийн өгөөж өртгийн тооцоо
- 5.6.7. Төслийн эрсдэлийн удирдлагын тооцоо, даатгалд хамрагдах тооцоо
- 5.6.8. Байгаль орчинд ээлтэй болон хор хөнөөлгүй, үйлдвэрлэл явуулах тооцоо
- 5.7. Төсөлд дараах материалыг хавсаргана.
  - 5.7.1. Иргэний үнэмлэхийн хуулбар
  - 5.7.2. Хуулийн этгээдийн улсын бүртгэлийн гэрчилгээ
  - 5.7.3. Тоног төхөөрөмжийн жагсаалт, зураг
  - 5.7.4. Зээлийн эргэн төлөлтийн хуваарь
  - 5.7.5. Үйлчилгээний нэр төрөл, зураг
  - 5.7.6. Сүүлийн 2 жилийн санхүүгийн тайлан
  - 5.7.7. Нийгмийн даатгалын хугацаа хэтэрсэн өртэй эсэх талаарх тодорхойлолт
  - 5.7.8. Зээлийн мэдээллийн сангийн мэдээлэл /монгол банкны мэдээлэл/
  - 5.7.9. Шүүхийн шийдвэр гүйцэтгэх байгууллагын өртэй эсэх тодорхойлолт
  - 5.7.10. Харилцдаг татварын байгууллагын хугацаа хэтэрсэн өртэй эсэх талаарх тодорхойлолт

### **Зургаа. Төсөл сонгон шалгаруулалт**

6.1.“Төсөл сонгон шалгаруулах зөвлөл”-ийг аймгийн Засаг даргын захирамжаар байгуулж ажиллуулна.

6.2.Аймгийн ЗДТГ-ын ХОХБТХ-ийн тухайн асуудал хариуцсан мэргэжилтэн Зээл хүсэгчээс ирүүлсэн төслийг хүлээн авч төслийн бүрдлийг нягтлан шаардлага хангасан төслийг зөвлөлийн хуралд танилцуулна.

6.3.Төсөл шалгаруулах зөвлөл нь зээл хүссэн иргэн, аж ахуйн нэгжийн хэрэгцээ, шаардлагаас хамааруулан хуралдааныг сард 2-оос доошгүй удаа зохион байгуулна.

6.4.Зөвлөл нь зээл хүссэн иргэн, хуулийн этгээдийн төсөл, саналыг үндэслэн үнэлгээ хийж, хуралдаанаар олонхын саналаар шалгарсан төсөлд зээл олгох шийдвэрийг гаргана.

6.5.Төсөл сонгон шалгаруулахдаа төсөл ирүүлэгчийг оролцуулан төслийг хамгаалуулан дэмжих эсэхийг шийдвэрлэнэ.

6.6.Зөвлөл нь төсөл шалгарсан тухай хуралдааны шийдвэрийг тухайн зээл хүсэгчийн материалын хамт Төрийн санд уламжилна.

6.7.Зөвлөлийн хурлын шийдвэр гарснаас хойш зөвлөлийн нарийн бичгийн дарга ажлын 3 хоногт багтаан төсөл ирүүлсэн иргэн, хуулийн этгээдэд хариу өгнө.

6.8.Төсөл сонгон шалгаруулалтын талаарх мэдээллийг шилэн дансны хуулийн 3.2.3-д заасны дагуу нийтэд ил тод мэдээлнэ.

6.9.Зөвлөл нь төсөл хүлээн авах хугацаа зарлагдахаас бусад үед төсөл хүлээн авахгүй.

#### **Долоо. Төслийн санхүүжилт**

7.1.Төсөл хэрэгжүүлэхэд шаардагдах нийт төсөвт өртгийн 20 хүртэл хувийг тухайн төсөл хэрэгжүүлэгч гаргаж, үлдэх хувийг хөтөлбөрийн эх үүсвэрээс санхүүжүүлнэ.

7.2.Төсөлд оролцогчдын чадвар, цар хүрээ, жижиг дунд үйлдвэр, үйлдвэрлэлийн технологийн онцлогтой уялдуулан дараах нөхцөлөөр зээл олгоно.

- Хугацаа 3 жил хүртэл

- Зээлийн хүү сарын 0.25 хувь

7.3.Төсөлд барьцаа тавина. Төсөл хэрэгжүүлэгч өөрийн оролцооны хөрөнгө болон зээлийн санхүүжилтээр авсан тоног төхөөрөмжийг барьцаа болгон ашиглаж болно. Үүнийг зээлийн болон барьцаа хөрөнгийн гэрээгээр зохицуулна.

7.4.Төсөлд батлагдсан мөнгийг төсөл хэрэгжүүлэх үе шатаар нь хянаж санхүүжүүлнэ.

7.5.ний жилд зээлийг төлөх хуваарийг харилцан тохиролцож хөнгөлөлт эдлэх боломжийг гэрээнд тусгаж болно. Дараагийн 2 жилд зээлийг хуваарийн дагуу төлнө. Үүргээ биелүүлээгүйн улмаас гарах алдангийн хэмжээг зээлийн гэрээгээр зохицуулна.

#### **Найм. Хариуцлага**

8.1.Зээлдэгч нь олгосон зээлийг зориулалтын дагуу зарцуулаагүй, гэрээгээр хүлээсэн үүргээ биелүүлээгүй нь хяналт шалгалтаар тогтоогдсон бол зээлдэгчийн эх үүсвэрийг буцаан татаж, холбогдох байгууллагад шилжүүлнэ.

8.2.Төсөл сонгон шалгаруулах хорооны гишүүн нь уг журмын 4.6.1, 4.6.2, 4.6.3, дахь заалтуудыг зөрчсөн нь баримтаар нотлогдсон тохиолдолд хорооны гишүүнээс хасах буюу холбогдох хууль тогтоомжийн дагуу хариуцлага хүлээлгэнэ